

Siunnersuut: Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarnej pillugu Inatsisartut peqqussutaata nr. 10, 5. december 2008-meersup allanngortinneqarnissaanut Inatsisartut peqqussutaat

Kalaallit Nunaannut Suliassaqtitsiniarnermik Inunnillu Isumaginninnermik inatsimmi nr. 580-imi, 29. november 1978-imeersumi § 2 naapertorlugu aalajangersarneqarpoq:

(Pisinnaatitsissutit qanoq ittuunerannik il.il. erseqqissaaneq)

§ 1

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarnej pillugu Inatsisartut peqqussutaanni nr. 10, 5. december 2008-meersumi makku allanngortinneqarput:

1. § 5 atorunnaarsinneqarpoq.

2. § 6-imi imm. 4-tut aamma imm. 5-itut ilanngunneqassapput:

”Imm. 4. Naalakkersuisut kommunalbestyrelsip nalinginnaasumik aamma perorsaanikkut nakkutilliinissaanut aalajangersaasinnaapput, kommunimi ulluunerani neqeroorutaasut tamaasa eqqarsaatigalugit.

Imm. 5. Naalakkersuisut nunatsinni nakorsaaneq isumasiorlugu tunillaassortumik nappaatinut tunngatillugu periusissanik aalajangersaasinnaapput.

3. § 13-imi, imm. 1 aamma imm. 3 kiisalu § 14, imm. 2, nr. 8-mi ”Sullivinnik Nakkutilliisoqarfik” allanngortinneqassaaq ”sanaartornermi oqartussat”-ngorlugu.

4. § 13-imi ilanngunneqassaaq imm. 4-tut:

”Imm. 4. Naalakkersuisut meeqqueriviit pilersinneqartarnerat aaqqissuunneqartarnerallu pillugu aalajangersaassapput.”

5. § 16-imi imm. 2-tut ilanngunneqassaaq:

”Imm. 2. Naalakkersuisut imm. 1 naapertorlugu paasisutissanik naapertuuttunik ingerlatitseqqiisarnej pillugu aalajangersagaliorsinnaapput.”

6. § 19-imi, imm. 1, oqaaseqatigiit kingulliit peerneqassapput ”ullut tamaasa qanoq sivistigisumik najuunnerat nalunaarlugu.”

7. § 27-mi, imm. 1-imi kalaallisuuani allanngortinneqassaaq ”neqerooruteqarsinnaavoq”, ”neqerooruteqassaaq”-ngorlugu.

8. § 28, imm. 1 imatut oqaasertalerneqassaaq:

”§ 28. Meeqquerivinnut aningaasartuutit, angerlasimaffinni paarsisarnej aamma sammisassatut neqeroorutaasut allat peqqussut una naapertorlugu ingerlanneqartut kommuninit isumagineqassapput, taammaattoq tak. § 28a.”

9. § 28 kingornagut ilanngunneqassaaq:

”§ 28a. Kommunalbestyrelsi meeqqanut suli atualinngitsunut kommunip ulluunerani ingerlanneqartunik neqeroorutaani peqataasunut akiliuteqartitsisinnaavoq, Naalakkersuisunit aalajangersakkat naapertorlugit, tak. imm. 3. Akiliut annertussusilerneqartassaaq kommunip ulluunerani ingerlanneqartunik meeqqanut suli atualinngitsunut neqeroorutaanut

anigaasartuutai naapertorlugit, aammalu akiliuteqartussaataasup akiliuteqartussaataasulluunniit anigaasaqassusiat naapertorlugu annertussusilerneqartunik.

Imm. 2. Kommuni ulluunerani ingerlanneqartumik neqeroorutaanut atuinnermut akiliuteqartussaataavoq meeqqamut pilersuisussaataasooq. Meeraq angajoqqaajusut aappaanni najugaqarpat, angajoqqaajusorlu taanna katissimappat, aappariittut nalunaarneqarsimappata imaluunniit katinnikut assigalugit ataavartumik inooqateqaruni minnerpaamik ukiumik ataatsimik sivisussuseqartumik, angajoqqaajusooq taassumalu aappaa, aappariittut nalunaarsorsimaqataa imaluunniit aalajangersimasumik inooqateqaruni, taava angajoqqaajusooq aappaasorlu, nalunaarsorneqarsimasumik inooqataa aalajangersimasumilluunniit inooqataalu tamarmik angajoqqaatut akiliuteqartussatut naatsorsuutigineqassapput.

Imm. 3. Naalackersuisut imm. 1 aamma imm. 2 naapertorlugit meeqqat kommuni meeqqanut sulii atualinngitsunut ulluunerani neqeroorutaani atuinnerannut akiliuteqartarneq pillugu, tassunga ilanngullugit isertitaqqortussuseq naapertorlugu akiliuteqartarnermut, akiligassaqalersimanagerup kingunerisaanik meeqqap neqeroorutaasuniikkunnaarsinneqartarneranut aammalu kommuni ulluunerani neqeroorutaanit aninissamut siumut nalunaartussaataaneranut aalajangersagaliussapput.”

10. Inatsisartut peqqussutaanni sumiluunniit danskisut ”Landsstyre” ”Naalackersuisut”-nik taarserneqassaaq.

§ 2

Inatsisartut peqqussutaat 1. august 2010-mi atortuulersinneqassaaq.

Imm. 2. § 5 naapertorlugu aalajangersakkat atortuunnassapput, Inatsisartut peqqussutaanni uani aalajangersakkat naapertorlugit taarserneqarnissami tungaannut, imaluunniit Inatsisartut peqqussutaat una naapertorlugu atorunnaarsinneqarnissami tungaannut.

Namminersorlutik Oqartussat, ulloq xx.xx. 2010.

Kuupik Kleist

/

Mimi Karlsen